

(3.)

DISSERTATIO INAUGURALIS MEDICA  
DE  
PARTIUM  
GENITALIUM FOEMINEARUM  
HAEMORRHAGIIS.

---

QUAM  
CONSENSU FACULTATIS MEDICAE  
PRO  
SUMMIS IN ARTE MEDICA  
ET CHIRURGICA HONORIEUS  
RITE CAPESSENDIS  
DIE XVI. JUNII MDCCCI  
PUPLICE DEFENDET

AUCTOR  
FRANCISC. ANT. IGNAT. LUDOV. BRANDT  
VARSOVIENSIS  
AD DOCENDAM ARTEM OBSTETRICIAM  
IN INSTITUTO REGIO OSTETRICO VARSOVIENSI  
CONSTITUTUS.

---

HALAE  
IN OFFICINA BATHEANA.



V I R O

ILLUSTRI EXPERIENTISSIMO DOCTISSIMO

# JOANNI GOERCKE

MEDICINAE ET CHIRURGIAE DOCTORI,  
EXERCITUUM REGIS BORUSSIAE PROTO-  
CHIRURGO PRIMO, COLLEGII MEDICI ET  
SANITATIS SUPREMI CONSILIARIO,  
SEMINARII MEDICO - CHIRURGICI  
BEROLINENSIS CONDITORI ET DIRECTORI,  
LEGIONIS TORMENTARIAE CHIRURGO,  
ACADEMIAE CAESAREAE NATURAE  
CURIOSORUM ET REGIAE DANICAE  
CHIRURGICAE MEMBRO CET.

TOTIUSQUE EGREGII

QUOD

TANTO VIRO DIRECTORE GAUDET  
SEMINARII

MEDICO-CHIRURGICI REGII

MODERATORIBUS ET PRAECEPTORIBUS CELEBERRIMIS  
DOCTISSIMIS

I N

ANIMI ERGA TOT TANTAQUE  
QUAE IISDEM DEBERI  
MERITA GRATISSIMI, OBSTRICTISSIMI  
ET AETERNAE VENERATIONIS

TESSERAM

NEC NON

V I R O  
CELEBERRIMO EXPERIENTISSIMO  
FRIDERICO GUILIELMO  
SPAETH

REGII COLLEGII MEDICI ET SANITATIS  
VARSOVIENSIS ASSESSORI CHIRURGIAE  
POLIATRO VARSOVIENSI

STUDIORUM SUORUM SUASORI ET  
ADJUTORI

IN  
PERPETUUM PIAE MENTIS  
TESTIMONIUM

LEVIDENSE HOC OPUSCULUM

D. D. D.

AUCTOR

---

D E

# PARTIUM GENITALIUM FOEMINEARUM HAEMORRHAGIIS.

---

§. 1.

Instituti ratio.

Quod quisque facile mecum profitebitur, medico artis obstetriciae exercitio operam daturum nihil prius nihil antiquius esse debere, nisi ut in manu parti a normali recedente promptum sciat abeatque auxilium, id plurimum elucet in iis casibus, ubi vel ante partum in gravidis vel in solo puerperio, vel postea, ex partibus foemina-

rum

rum genitalibus, oriuntur haemorrhagiae, ob nimiam sanguinis excreti copiam sumine periculae, imo in quibusdam vel propter neglecta auxilia vel ob irreparabile structurae damnum lethales. Quo magis autem complures diri hujus affectus causae inter se se differunt, eo majori quoque cura et diligentia opus est ad distinguendum ejusdem originem et detegendum ipsius fontem vel in universali corporis dispositione labefacta morbos vel in topica partium, ex quibus sanguis profluit, laesione. Quemadmodum enim in quocunque morbo, ad universales referendo, dynamica systematum vitae necessariorum mutatio maxime respici debet ad fuscipiendam rationalem faustum medendi methodum, ita in topica partium affectione et laesione maximi interest, ut medicus statim ex signis diagnosticis constituere valeat: an existat, et quanam in parte quaerens sit laesio, haemorrhagiae originem praebens. Quia in re quamvis recentiorum medicorum studio plurima jam declarata sint, tamen non plane certum et securum quidquam constitutum esse mihi visum est de signis, quibus uteri haemorrhagias gravidis puerperisque ab earumdem haemorrhagiis vaginae distinguere liceat. Ex qua figurum incertitudine non potest, quin magni et

riculosi orientur errores, si scilicet vehemens quoddam sanguinis ex vagina profluvium pro haemorrhagia uteri habeatur, hinc optima et facile adhibenda remedia negligantur quod quidem absque medici obstetricantis culpa haud semel factum fuisse vidi et multoties fieri persuasus sum. Proposui itaque hocce libello ista signa unum quasi in forum colligere, optimam utrique haemorrhagiae medendi methodum proponere, simulque proprias, quibus dicta dicendaque probantur et explicantur, experientias addere.

---

## C A R. I.

## DE HAEMORRHAGIA UTERI.

## §. 1.

## De haemorrhagia uteri gravidarum.

Non omnis ex vagina sanguinis effluxus tempore graviditatis periculosus est, cum accidere soleat ut catomenia primis mensibus post foecundationem profluunt. Quare periculosam illam haemorrhagiam ab hoc sanguinis fluxu innocentii distinguere nos oportet. Diagnosis nititur sequentibus 1) Menstrua solitis periodis redeunt,

uteri

uteri haemorrhagia contra his terminis non exacte adstringitur 2) Sanguinis profluentis copia frequentior diagnosis non certam exhibet, cum haemorrhagia uteri primo initio parca sit, et menses non raro copiosi prodeant. 3) Symptomata haemorrhagiam antecedentia et concomitantia e. g. collapsus spontaneus mammarum vel lactis aquosi ex iisdem profluviis, dolores ventris et lumborum per intervalla redeuntes et versus abdominis inferiora terminantes, deinde ponderis sensus in pedibus, frigus extremorum et horror saepius recurrens. 4) Sanguis in haemorrhagia plenorio prodiens. 5) Orificium uteri laxum et usque ad aperturam interiorem dehiscens. 6) Sanguis prorumpens grumis concreti cruoris intermixtus. 7) Causa violentior, qua haemorrhagiam uteri produci saepius observatum est.

### §. 3.

**Cauſſae haemorrhagiae uteri in gravidis universales.**

Haemorrhagiae uteri cauſſa proxima vel totius placentae, vel ejusdem partis in separatione ab utero posita est. \*) Naturaliter placenta integra

\*) van Swieten Comm. in Boerhavii aphor. Tomi IV. pars altera. Laurin 1764. p. 489.

gra sua superficie utero adhaeret, atque hac conjunctione impeditur, quominus quid sanguinis ex uteri vasis exire possit. Simulac vero ille nexus solvitur, vasa placentam penetrantia disrumpuntur et sanguis liber effluere potest copia eo majori, quo latior illa disjunctio est.

Minime vero ex hac unica caussa haemorrhagia uteri tempore graviditatis nascitur sed et aliae caussae adesse possunt, quae tamen rariores occurunt. Ita observatum est haemorrhagiam uteri ex fissione vel laceratione substantiae matricis ipsius, quae aut uteri extensione nimia, aut violentia externa effici possit ortum suum duce-re \*). Quod malum autem certe cognosci nequit, nisi gravidae dissectio instituitur, et plerumque lethale est. Longe rarius quam ex illa causa, haemorrhagia uteri ex ruptura vasorum funiculi umbilicalis nascitur, quod La Motte semel observavit \*\*) facillime patet hanc haemorrhagiae causam ante foetus expulsionem non posse intellici. Propterea de his causis rarioribus non lo-quor

\*) Mauriceau traité des maladies des femmes grosses p. 169. Murlinna von den Krankheiten der Schwangern. p. 238.

\*\*) Traité des accouchemens lib. 3. cap. 8. p 296.

quor sed de iis tantum, quae praematura<sup>e</sup> placentae ab utero separationis caussae sunt, quae vel universales esse, totiusque organismi labem constituere vel in topica solummodo a normali partium statu declinatione versari possunt. **A**d illas merito referuntur status hypersthenicus, plethora vera junctus, venae sectionibus aliisque remediis antiphlogisticis minuendus et asthenia universalis remediis roborantibus incitationis statim appositis corrigenda. Non licet nobis omnia hic dicenda exponere, cum idcirco totius fere therapiae ambitum complecti nobis incumbet, sed paucis solummodo monemus, venaefectionis usum in subjectis plethora hypersthenica non laborantibus saepissime procreandis haemorrhagiis et abortui ansam praebere, hinc olim et nunc quoque nefarie adhiberi attamen in quibusdam subjectis hypersthenicis haud plane rejiciendum esse remedium ad praecavendas et sanandas haemorrhagias.

#### §. 4.

*Caussae topicæ haemorrhagiarum uteri in gravidis.*

Uteri vitia topice vel varia dispositione dynamica vel mechanica laesione singulatim ad haemorrhagias disponunt. Illis adnumeranda sunt:

- 1) Laxitas et atonia uteri. Si haec ad-  
eet, placenta cum utero laxius cohaeret, le-  
viique caussa accessoria ab eo disjungitur.  
Richterus se experientia convictum cre-  
dere dicit, laxitatem uteri orificii frequentis-  
simam abortus esse causam.\*). Qua de caussa  
mulieres debiles, morbos graviores, partus  
difficiles aut abortus frequenter perpessae,  
fluore albo, prolapsu uteri laborantes, Veneri  
vel Onaniae\*\*) deditae ad uteri haemorrhagiam  
et abortum sunt proclives.
- 2) Uteri sensibilitas et irritabilitas  
nimia, qua efficitur, ut levissima irritatione  
uterus contrahatur \*\*\*). Quae vel idiopathi-  
ca adest in mulieribus sensibilibus et hy-  
stericis, easque ad abortum pronas reddit vel  
per consensum sordibus primarum viarum\*\*\*\*),  
vermibus †) frequentissime vero animi pathie-  
matibus ‡) concitatur. 5)

\*) Chirurgische Bibliothek. Neunter Bd. p. 561.

\*\*) Wegelin in Starks Archiv IV. B. p. 101.

\*\*\*) v. Röderer elementa artis obstetr. §. 721.

\*\*\*\*) Richter Bibl. l. c.

†) van den Bosch historia constitutionis epide-  
miae verminosae p. 224 van Pelsum histor.  
ascaridum patholog. p. 175.

‡) Melitsch in Starks Archiv III. B. p. 746. 750.

- 3) *Rigiditas quaedam uteri propter quam ille ultra gradum quendam extendi nequit.* In tali uteri habitu foetus, simulac in certum volumen increvit, uterum non solum amplius non dilatat, sed imo ad contractionem irritat. Inde patet, quomodo fieri possit, ut mulier semel abortum passa, iterum gravida, eadem praegnacionis periodo, qua antea, abortat. Haec uteri rigiditas proclivitatis ad abortum causa esse videtur in mulieribus siccis, robustis, minus pinguibus, simulque aetate provectionioribus \*).
- 4) *Copiosa sanguinis in utero cumulatio, hinc omnia congestionem versus inferiora pellentia, ita ut placenta sustinere senqueat, sed ab utero dissipetur.* Iam paulo post conceptionem propter magnum irritamentum et sanguinis affluxum haemorrhagias uteri saepius vidi Lero y \*\*). Coitum nimium, calefacentia, aromata, spirituosa, nimis longe sumpta, praecipue vero omnia remedia drastica diuretica fortiora et

sic

\*) Röderer l. c. §. 721.

\*\*) Von den Blutflüssen übersetzt von Zadig. Breslau 1802. p. 7. 8.

fic dicta emmenagoga majori sanguinis versus uterum impetui favere constat.

5) Uteri exsucce aridaque constitutio, deficiens inde embryoni nutrimentum placenta utero laxe adhaerens, ita ut foetus ipse in justum volumen excrescere, uteroque satis resistere nequeat. Oritur talis constitutio, si gravidae ipsi alimenta sufficientia bene nutritilia defunt, vel si illa gravioribus morbis vel excretionibus nimiis e. g. quod saepius obvenit, lactatione nimis longum protracta, qua foetui nutrimentum adimitur, exhausta sit.

Ad mechanicas abortuum et haemorrhagiuarum caussas topicas, pertinent

1) Violentiae externae gravidae illatae, percussio abdominis, lapsus, praecipue si pronus est, quibus partim placentae nexus cum utero destruitur, partim uterus ad contractionem irritatur et partim tandem major sanguinis copia ad eum pellitur. Hinc et motus corporis nimius, saltatio, cursus, exercitatio, vectio in rheda \*) risus, vomitus

\*) Zeitmann in Starks Archiv VI. Bd. p. 114.

tus, sternutatio, tussis, singultus, vocisratio, frequentes haemorrhagiarum uteri et abortus sunt caussae.

- 2) Morbi uteri locales, tumores, ulcera, farcomata.\*)
- 3) Funiculus umbilicalis praeter modum brevis aut circa foetum varie volutus.\*\*)
- 4) Placentae et chordae umbilicalis vitia quibus foetus nutrimento privatur e. g. constrictio nodosa funiculi umbilicalis,\*\*\*) ejusdemque rupturae.\*\*\*\*)
- 5) Placenta collo aut orificio uteri adhaerens, frequens uteri haemorrhagiae causa.†) Cum enim procedente graviditate uterus foetu  
con-

\*) Röderer l. c. p. 723.

\*\*) Röderer ibid. Mouriceau l. c. p. 159.

\*\*\*) Röderer l. c. van Swieten l. c. p. 803.

\*\*\*\*) Iusti in Starks Archiv I. B. 4. St. p. 45.

†) Epidemicas propter insidentem ori uterino placentam haemorrhagias vidit Melitsch in Stark-Archiv 3. Bd. p. 709. Plures de placenta praevia haemorrhagiarum caussa collectas in Flouquet Bibl. Tom IV. p. 94. Suppl. Tom I. p. 592.

contento magis magisque extendatur, placentia ab illo disjungitur, et sanguini effluxus conceditur.

- 6) Laesiones et scissurae membranae deciduae reflexae Hunteri.\*)
- 7) Foetus justo grandior et malus ejus habitus fitusque. \*\*)
- 8) Tandem foetus mors inter caussas haemorrhagiae uteri habenda est.

### §. 5.

#### Prognosis haemorrhagiarum in gravidis,

In genere propter abortum, summae debilitatem et remanentem ad haemorrhagias dispositionem, imo lethalem sanguinis jacturam haemorrhagiae gravidarum periculo junctae et timendae sunt, licet non semper in eodem gradu. Sunt, qui haemorrhagiam uteri eo periculofizorem esse, quo propior partui sit gravida, affirmarunt. \*\*\*). Verum eo pertinaciorem esse haemor-

\*) v. Leroy l. c. p. 14.

\*\*) Gaubii instit. patholog. p. 466.

\*\*\*) Mauriceau p. 159. 535. aph. 46. Winkel Diff. de uteri haemorrhagia. Gött. 1796. p. 18.

morrhagiam, eoque periculosiorem, quo diutius partus remaneat, hinc praeterito jam quinto graviditatis mense multo minus periculi habere abortum quam antea, cum ars pluribus remediis ad extrahendum foetum uti possit, recte monet **Leroy**\*). Inhibetur enim in praematro foetu placentae solutio angustia oris uterini, funiculi umbilicalis teneritate, qua efficitur ut ille levi tractione disrumpatur, ex placentae nexu cum utero firmiori.

### §. 6.

#### **Curatio haemorrhagiarum in gravidis ex causis dynamicis.**

In administrandis erga haemorrhagias remedii omnino ad caussas supra enarratas respicendum est. Universali hyperstheniae vel astheniae statim apta pro ratione incitationis antiphlogistica vel excitantia, roborantiaque opponantur. Cum autem topica plerumque affectio locum habeat, in eandem non minus remediorum actionem dirigendam esse patet. In uteri laxitate nimia, experientia teste, magnam utilitatem praestant fomentationes atque in vaginam injectiones aquae frigidae et decoctorum herbarum

rum

\*) l. c. p. 23.

rum adstringentium, nec minus etiam enemata frigida roborantia \*). Simul irritantia interna adhibenda sunt, prae aliis tinctura Cinnamomi, quae in fistendis haemorrhagiis uterinis cuiuscunque generis gravidarum et puerperarum et in iis quae post partum interdum accidere solent, maximam acquisivit gloriam, adeo ut pro specifico eam venditare haud dubitaverint aliqui \*\*). — Non minoris quandoque utilitatis est opium, cuius utilitatem ad haemorrhagias uteri coercendas pluries expertus sum, quamvis haud dubitem de Aaskowii \*\*\* ) sententia, qui opium tantum ut remedium palliativum esse considerandum, ait, ita ut cessante ejus effectu haemorrhagia majori vehementia quam antea redeat, qua propter opio acidum vitrioli admiscere suadet, hujusque combinationis efficaciam pluribus observationibus probat. Praecipuam autem utilitatem

habet-

\*) Thilenius medicinisch - chirurg. Bemerkungen p. 43.

\*\*) Plenck, v. Mohrenheims Beiträge tom. 1. p. 406. Ackermann Bemerkungen II. Heft.

\*\*\*) In actis societatis medicae haynensis tom. V. part. 1. p. 49.

habebit opium in nimia sensibilitate et irritabilitate tanquam spasmorum, abortus et haemorrhagiae caussa, eidemque in uteri rigiditate jungenda sunt balnea tepida, antispasmodica externa regioni uteri applicata, unguenta anodyna abdomini inficata, enemata antispasmodica et internus extracti Hyoscyami radicis Ipecacuanhae in parvis dosibus, et castorei usus \*). In copiosa sanguinis in vasis uterinis cumulatione, quandoque, sed in subjectis tantum hypersthenicis et plethoricis convenit venalectio revulsoria, cujus utilitatem plenarie negare idem esset ac omnem observatorum \*\*) fidem spernere. Praeterea hic epithemata frigida \*\*\*) et solutio Vitrioli martis,

lin-

\*) De Haemorrhagia uteri ex nimia debilitate nervorum enematis ex Laudano liq. vel tinctura thebaica guttis L - LXX. cum aqua frigida omni vespere applicatis sanata v. Copland in Römers Annalen der Arzneimittellehre I, St. pag. 105.

\*\*) e. g. Aligny in Journal de medicine tom. 56. p 344. Lanverjat. Journ. de med. tom. 57. p. 321.

\*\*\*) Hunauld diff. sur. les vaperus et les pertes de sang. Paris 1777. p. 364 laudat in Haemorrhagiis uteri ab orgasmo humanorum epithemata ex pulvere ardeliae.

l'inteorum ope in vaginam applicata adhibenda sunt \*). Deficiens foetus nutrimento et exsucca uteri constitutio nutrientibus et spirituosis corrigi debet. Leake hunc in finem, si gravida valde debilitata esset, gelatinam cornu cervi cum vino rhenano vel infusum corticis peruviani cum vino gallico et aqua cinnamomi mixto commendat \*\*).

### §. 7.

#### **Curatio haemorrhagiae in graavidis ex cauffis mechanicis ortae.**

In quacunque haemorrhagia gravida conseruandum lectum petat, sicutum horizontalem et maximam animi et corporis quietem observet. Nec minus omnia vestimenta corpus restringentia ei sunt solvenda, ne illis vasa externa comprimantur, sanguisque versus interiora cogatur. Deinde regimen frigidum maximi est emolumenti. Leake, se saepius vidisse dicit, gravidas uteri haemorrhagia laborantes, quarum pulsus debilis et intermittens jam esset, simulac aer frigidus cubiculo

B 2 immitt-

\*) Talem solutionem in haemorrhagia uteri ex plethora ad vires praecipue commendat auctor tractatus de plethora in Baldingers Magazin 1 Bd. 5 St.

\*\*) practische Bemerkungen p. 197.

immitteretur, valde esse recreatus. Nec minorem utilitatem ex aquae frigidae frequenti potionē se esse expertum \*). Inter remedia interna primum tunc locum tenent Essentia cinnamomi et si vehementer profluat sanguis, opium haud parva dosi propinatum. Ad externa remedia pertinent adstringentia, in vaginam injectiones aquae frigidae aut remediorum adstringentium e. g. aceti, solutionis vitrioli albi, aluminis, olei martis per deliquium etc., quae tamen cum aliqua praecautione adhibendae sunt, cum in quibusdam ute-  
rus iisdem irritari et gravidae nixus, quo foetus expulsio producatur, excitari possunt. Haud minorem ad sanguinis efluxum coercendum utilitatem medici ex talibus remediis sperarunt, quibus non solum vis adeſt adstringens, sed etiam quae vaginam obturant. Qua ratione majora pessaria ex remediis adstringentibus parata vaginæ intulerunt. Inter recentiores Le Roux \*\*) praeter alios ejusmodi remedium laudat. Immit-

tit

\*) l. c. p. 94. 95.

\*\*) in Journal de medicinæ tom. XLV. p. 483.

Le Roux Observations sur les pertes de sâng des fâmes en couche Dijon 1776. 8 versl in Abh. für pret. Aerzte Tom. IV. p. 385. et Kö-  
nigsberg 1784. 8.

tit nempe vaginae usque ad uteri orificium lin-  
teum in aceto cum aqua mixto tinctum. Quo  
remedio Le Roux sanguinem coagulari, hian-  
tia vasa illo coagulo obturari, eoque modo haem-  
orrhagiam fisti credit, et hanc suam senten-  
tiam permultis probat observationibus. Alii  
hoc remedio quidem sanguinis effluxum cohi-  
beri, sed orificium uteri simul irritari, nixus  
mulieris excitari et partum praematurum produci  
existimant, hinc in eo tantum casu ex remedio  
a Le Roux laudato fructum sperandum esse  
sperant, ubi haemorrhagia copiosa nullis reme-  
diis adhibitis diminui posset, grava valde de-  
bilitata, et orificium uteri durum adeoque craf-  
sum esset, ut non nisi adhibita violentia dilatari  
possit; illo enim remedio, sanguinis effluxum co-  
hi beri et gravidae nixibus excitatis uteri orificio  
paulatim dilatato foetum expelli \*). Mihi vero  
si proprias aliorumque experientias perpendo,  
hi pessi egregium utique in gravidarum haemorra-  
giis effectum praestare, hinc in hisce semper ad-  
hibendi esse videntur, cum e contrario post eni-  
xum partum maturum, secundum observatorum  
experientias \*\*), ideo pertimescendi fint, quia  
fan-

\*) v. Winiker Diff. c. p. 42.

\*\*) v. Leroy.

sanguis, cui effluxus externus non conceditur, intus colligatur et uterum dilatum in magna copia repleat, adeo ut non raro lethalis inde eventus absque effluvio sanguinis externo acciderit, qui injectionibus forsan aliisque remediis praecaveri potuisset. Pluries quoque haemorrhagias ex vase quodam vaginae pro haemorrhagiis uteri habitas et pessis sanatas fuisse suspicor. — Ligatura artuum a quibusdam propositae, ut sanguinis aliquid in artuum venis retineatur, nec omnis ejus moles per arterias ad uteri vasa congeratur, plus nocent, quam profund<sup>t</sup> \*). Cum enim venae comprimuntur, sanguis quidem per eas produci nequit, sed tunc illae quoque sanguinem ex arteriis recipere nequeunt, ita ut in iis sanguis accumuletur et haemorrhagia non solum diminuatur sed etiam augeatur.

### §. 8.

*De extractione foetus haemorrhagiae remedio.*

Complures artis obstetriciae magistri \*\*) foetum, simulac haemorrhagia adsid copiosa, quo-  
cun-

\*) v. Experientiae Leakii l. c. p. 187. Paulitzky Beobachtungen 1. Samml. no. 5.

\*\*) van Deventer novum lumen obstetr. c. 33., p. 145. Mauriceau l. c. p. 160. Roederer

cunque graviditatis tempore educi suaserunt. Mihi autem probabilor videtur sententia eorum, qui foetus extractionem non semper admittendam esse affirmant \*), cum primis graviditatis, mensibus vasa uteri tanta sanguinis copia non sint impleta, ut mors ex haemorrhagia timenda sit, experientia quoque docuerit, hoc tempore haemorrhagiam periculo haud esse conjunctam, quare noxia et periculosa tam gravidae, quam foetui, qui ea destruitur eductio primis praegnacionis mensibus haud necessaria mihi videtur, haemorrhagia autem septimo vel octavo graviditatis mense accidens utero non evacuato, plerumque cohiberi nequit, quia foetus in majus jam increvit volumen et uteri contractioni resistit, ita ut vasa hiantia claudi non possint. Sin itaque ultimo graviditatis tempore haemorrhagia, licet remediis idoneis adhibitis, vehementer furit et grava sanguinis jactura valde debilitata, in convulsiones frequentiaque animi deliquia incidit, tunc foetum educi oportet. — Ad foetum educendum medicus manum vaginae immittat et digitis uteri orificium paulatim diducat; velamentis adhuc

§. 734. Puzoss in Memoires de l'acad. de Chirurgie tom. 1. p. 361.

\*) Leroux l. c. Lewy l. c. p. 20.

adhuc integris disruptis, foetus pedes prehendat, illumque, licet alia corporis pars offeratur, pedibus praeviis extrahat.

Simulac corpus solutum est, medicus, ne foetus caput abruptum intra uterum remaneat, sibi cavere debet. Quod ad evitandum alterius manus digitum foetus ori inferat, altera manus summum humerum vel occiput prehendat, brachia, minoris voluminis causa non resistentia, relinquit, atque ita foetus caput solvere debet.

Caput praevium, in pelvem minorem jam delapsum, ita ut manus immissio ad pedes prehedendos impediatur forcipe solvere convenit \*) Placentae solutio plerumque difficillima est, quia funiculus umbilicalis teneri leviter tractione disrumpitur. Qua ex causa ille ad placentam solvendam nunquam attrahi, sed leniter tantum tendi et placentam deglobi debet. — Deinde etiam eo vindendum est, ne quid sanguinis coagulati in utero remaneat, quo fieri possit, ut haemorrhagia continuetur, dum uterus contrahi nequeat. Quod ad cavendum injectiones aquae tepidae in uteri cavitatem optime convenient. —

Quod si

\*) Leake l. c. p. 98. Mauriceau l. c. p. 161.

Roederer l. c. §. 731. Stein pract. Anl. zur Geburthülfe §. 468.

Quodsi placenta collo vel orificio uteri adhaerens et ab eo divulsa, haemorrhagiae est causa, tunc omnia remedia ad sanguinis effluxum coercendum nil proficiunt, sed foetum educi oportet. Priusquam autem hoc fieri potest, placenta, si ea integra ab utero disjuncta, in vagina haerens, manus immissionem impedit, cum sanguinis coagulati trombis, vaginam repletibus, eximi debet. Placenta vero manus illationem haud impediens, ejusve pars major utero adhaerens, relinquenda est, ne aquae uterum distendentes, profluere queant. Ad operationem ipsam instituendam medicus vaginae usque ad orificium uteri manum inferat et exploret, quonam loco placenta ab utero sit sejuncta. Ibidem ille os uteri diducat, si id non satis sit dilatum et velamenta removeat; tunc manu usque in uterus ipsum immissa, pedes prehendat, eosdemque extrahat. Quodsi autem foetus caput iam descendisset, itaut ad itum ad pedes impediret, tunc illud forcipe solvi debet. Haec autem foetus eductio non nisi violenta uteri oris dilatatione institui potest, facillimeque fit, ut eam periculosa uteri inflammatio sequatur. Qua de causa Puzos \*) inter partum naturalem et illum, qui fola

\*) Mem. de l' acad. de Chirurgie tom. 1. p. 370.

sola arte instituitur (accouplemente forcé) medium teneri voluit. Hunc in finem „ut unus vel plures digitii immitantur, iisque orificium uteri „sub inde interposita intervalla paulatim diducatur, suadet. Qua ratione, uteri orificio irritato, dolores augeri, atque uteri contractionem promoveri. Membranas, aquas continentes, „simulac fieri possit, rumpendas esse, ut matrix „majore facilitate contrahi possit. Contractionibus uteri haemorrhagiam minui, breve tempore partum sequi.“

Hujus methodi utilitatem Puzos multis probavit exemplis. Eandem vero locum habere semper non posse, sed foetus eductionem interdum esse necessariam, si nempe situs foetui adsit praeternaturalis, aut placenta orificio uteri adhaerent, existimo. Le Roy dilatationem uteri in paucis et in fine tantum graviditatis fieri posse, et plerumque, si pessi aceto uncti administrentur, non necessariam esse, perhibet. Membranarum vesicam haud prius rumpendam esse, quam ore uterino suffcienter dilatato et partu instantे \*).

§. 9.

\*) l. c. p. 50 - 54.

§. 9.

**Haemorrhagiae uteri in ipso partu.**

Primum, quod attinet ad dynamicas haemorrhagiarum caussas in ipso partu, eae vel ad hyperstheniam et cumulationem sanguinis in utero, vel ad asthenicam ejusdem dispositionem, vasorumque uterinorum dilatationem referendae sunt. Hypersthenica sanguinis cumulatio mox evacuatione sanguinis ipsa tollitur. Laxitatatem vero vasorum irritantibus supra laudatis, praecipue injectionibus spirituosis, frigore externo, tinctura cinnamomi et opio minuere licet. Porro huc referenda est inaequalis fibrarum uteri externalium et internarum contractio ad opinionem celeberrimi Leroy. Secundum hujus viri theoriam semper externo uteri fibrarum strato foetum expelli, interni contractionibus vero placentam solvi, hinc inaequalem utriusque strati actionem, atoniam praecipue interni, dum foetus externo expellatur, placentae adhaesionem partialem saltim et haemorrhagias periculosas producere. Hic tamponatione per lintamenta aceto uncta contractionem interni strati promovendam, simulque sanguinis effluxum arcendum esse. —

Ad mechanicas haemorrhagiarum in ipso partu caussas eaedem referendae sunt, quae in gravidis

dis eosdem malos effectus habere solent. Tanquam frequentissimae vero nominandae sunt 1) vel totius placentae vel partis ejusdem adhaesio in ore et cervice uteri 2) praematura nexus placentae uterique solutio. In primo casu quam citissime placentam ab ore et cervice uterino solvi et manu partum accelerari opus est, ne oris uterini dilatatione placenta, vaseaque per eandem ramificantia dilacerentur et haemorrhagia puerperae mortem ante partum inferat. Felix hujus operationis eventus unice a celeritate et dexteritate obstetricantis dependet, qua versionis negotium perficitur. Hinc sine mora partus extrahendus, nec manus semel cavo uteri introducta retrahenda est \*). In secundo casu, placenta ante foetum sedente, adhibitis omnibus ad constrictiōnēm uteri vasorumque remediis supra laudatis et haemorrhagia continua, opus est vesicam membranarum aquas continentium rumpere. Post hujus  
enīm

\*) Plures de placenta bri uterino insidente arte soluta et haemorrhagiis hoc modo suppressis observationes Melitschii in Starks Archiv III. Bd. p. 709. ibid. II. Bd. 1. St. p. 66. Perforationem placentae, uteri orificium obturantis, exfoliationem partis nondum solatae et infantis extractionem cum forcipe feliciter perfectas v. ibid. tom. II. St. 2. p. 141.

enim liquoris partis evacuationem uterus contrahitur et haemorrhagia minuitur vel penitus inhibetur. Quodsi vero nihilominus persistat, adeo ut lethalis evadere possit, quam maxima dexteritate statim et festinaanter partum necessarium perficiendum esse patet. — Haemorrhagia usque ad mortem continuare potest, quod interdum accidit, absque ullo post mortem inveniendo vestigio solutionis placentae vel sanguinis inter eandem et uteri membranam extravasati. In tali casu per timescenda est ruptura oris uterini, quam nisi infans statim nascitur, haemorrhagia usque ad mortem continuens sequitur. Lapso vero infantis capite per os uterinum ita dilatum, haemorrhagia plerumque statim sistitur. — Placenta ex parva tantum parte soluta \*) apprimatur et haemorrhagia quantocius sistatur, majori vero ejusdem parte liberata partus necessarius statim fuscipiendus est.

#### §. 10.

##### Haemorrhagia uteri post partum.

Quodsi foetu educto haemorrhagia non cessat, vel vehementior oritur, tunc ut illam fistamus,

\*) Tales casus narraverunt Fieliz in Starks Archiv II. Bd. 1. St. no. 5. Kirschner in Starks Ar-

celerrimum adferendum est auxilium. Hujus causa dynamica plerumque est laxitas et atonia uteri, cujus vi ille contrahi et vasa hiantia claudi nequeunt. Ad uteri itaque contractionem promovendam injectiones adstringentes aquae frigidae, aceti, solutionis vitrioli, aliorumque remediorum adstringentium sunt idoneae. Simul abdomen pannis calidis siccis fricandum et cingulo abdominali constringendum est. Uteri parietes leni contractatione irritantur et a sanguine gumoso emundantur. Ad internum usum praeципue cardiaca e. g. aqua cinnamomi et opiate praescribenda sunt. Urgente periculo totum corpus aqua frigida conspergatur. Spiritus cornu cervi naribus admoveatur et intus quoque paucis guttulis in aqua frigida sumptus tanquam efficax remedium laudatur. Pessos aceticos, quos Leroux prae aliis remediis commendat, experientissimi medici in haemorrhagiis post partum haud adhibendos esse affirmant, cum in extenso adhuc utero magna et morti provocandae sufficiens quantitas sanguinis in ejus cavum effundi pos-

possit.\*<sup>)</sup> Eorumdem loco Leroy laudibus extollit injectiones ex spiritu vini vel spiritu frumenti ad dimidiam partem cum vino tepido mixto.<sup>\*\*) Cel. Wedekind in hisce puerparum uteri haemorrhagiis ex atonia uteri commendat injectiones ex Decotto herbae Sabinae.<sup>\*\*\*)</sup></sup>

Ad mechanica remedia hic in usum vocanda praे aliis pertinet compressio uteri vasorumque, quae non solum in istis ab atonia pendentibus, sed etiam in rupturis valorum cum egregio successu adhibetur. Reposita puerpera, ita ut femora altius jaceant quam pectus, molle abdomen ambabus manibus firmiter comprimatur, qua encheiresi uteri fundus posterius versus vertebrae lumborum premitur, vasa magna coaretantur, intestina sustinentur, affluxus sanguinis minuitur. Sanguis sursum pulsus uteri contractio nem tunc injectionibus vinosis promovendum non amplius impedit. Continuetur autem haec abdominis compressio, donec haemorrhagia definit.

Cel

<sup>\*)</sup> Leroy l. c. Sachtleben in Starks Archiv VI. Bd. p. 47.

<sup>\*\*) l. c. p. 62. 63.</sup>

<sup>\*\*\*)</sup> Hufelands Journal der pract. Heilk. X, B. 1. St.

Cel Saxtorph, qui hanc encheirefin primus proposuit, castum refert de pressione tali per bihorium continuanda, ante quam pulsus aliaeque functiones instaurarentur. \*) — Aliud remedium recentius propositum, \*\*) a Vogelio \*\*\*) aliisque commendatum est compressio aortae descendens per introductum utero manum, qua fit ut sanguinis impetus versus inferiora minuatur, vasaque ad uterus tendentia immediate coarctentur, donec uterus contrahatur. Quando post horum remediorum usum puerpera dolorem tensivum in utero quaeritur, signum est contractionum uteri et servatae ut plurimum vitae. Ubi vero haec non accidunt mors instat.

Quoad mechanicas haemorrhagiarum uteri caussas eas potissimum in dilacerata et reicta in utero placenta versari notissimum est. Hic autem ubi haemorrhagia lethalem minatur exitum, placentam arte solvere et remediis supra laudatis uteri contractionem promovere necessarium est.

§. 41.

\*) Collectanea havniensis p. 328.

\*\*) Plouquet in Loder Journ. f. Chir. 1. B.  
p. 493.

\*\*\*) Taschenbuch für angehende Geburtshelfer.  
1798. Froriep.

## C A P. II.

## DE HAEMORRHAGIIS VAGINAE.

## §. 11.

## De haemorrhagiis vaginalibus Causis

In graviditate haemorrhagias oriri posse, experientia docuit, cum jam statim post conceptionem propter magnam humorum versus genitalia congestionem eorundemque intumescentiam vasa vaginae anevrysmatica et varicosa rupta fui se viderit Leroy. \*) — In ipso partu vero easdem haud raro provenire observatum est. Praeterea quoque, nisi omnia me fullunt, frequentiores, quam vulgo existimatur esse videntur. Tanquam universales earundem caussae hypersthenica et asthenica vasorum conditio spectari potest, methodo supra laudata tractanda. Topice vero sequentia vaginae structurae et virium vitia hic subesse videntur.

1) Cicatrices vaginae ulceribus, vulneribus, difficiili partu praegresso, aliisque qualibuscunque laesioribus in vagina relictæ et nunc distensione vaginae in ipso partu ruptæ.

2)

\*) l. c. p. 8.

- 2) Rigiditas praeternaturalis parietum vaginæ, qua sit, ut satis extendi nequeant, sed potius capite transeunte rumpantur.
- 3) Vaginae vasorum laxitas et tenuitas praeternaturalis, adeo ut absque laceratione jam ex eorundem finibus magna sanguinis copia transeat vel ipsa facile laedantur.
- 4) Anevrysmata et varices vasorum, quae variis caussis facile gigni possunt, quo pertinent coitus nimius, onania, drafsticorum et diureticorum abusus, nimii caloris effectus in vasa genitalium e. g. usus ollarum ad ignem carbonum (Feuerstäbchen) aliaeque res topicam vaginae debilitatem procreantes. Frequentiores quam anevrysmata esse videntur varices, et quidem propter haemorrhoidum vasa vaginae transitum. Haemorrhoides enim vaginae frequentissimas ejusdem haemorrhagiarum caussas esse persuasus sum. Hinc aliter sieri uequit, quam ut vasa tanta dilatatione laborantia foetu transeunte, tum et

et obstetricantis manubus et instrumentis introductis nimis comprimantur, rumpantur et dilacerentur.

Sed etiam absque omni tali vaginae ad laesiones dispositione et vitia structurae, imprudenti rudique manuum instrumentorumque usu in vagina non minus, quam in utero vasorum sanguiferorum laesiones oriri possunt. Forceps incaute clausa vasa dilacerare potest, vectes imprudenter appositi vaginam vulnerare possunt, praeципue vero in perforatione capitis foetus, instrumentis hunc in finem adhibitis et dissectorum ofsum capitis acri margine, vasa lacerari facileque haemorrhagiae produci possunt.

### §. 12.

#### *Signa haemorrhagiarum vaginalium.*

Cum in tanta, quae haemorrhagię vaginalē producere possunt, caussarum copia, sanguinis evacuatione inde pendente plerumque vehementi et facili vaginae haemorrhagiarum sanatione,

multum inter sit, inter easdem et haemorrhagias uteri bene distinguere, ne ut saepius fieri suspicor, dum de remediis erga haemorrhagiam uteri per errorem praesumptum cogitemus, utilia facileque administranda remedia negligantur, signa diagnostica haemorrhagiarum uteri hic exponenda sunt. Pertinent huc:

- 1) qualitas caussarum, quibus forte sanguinis profluviu m concitari possit, praesentia cicatricum, rudit et finistri obstetricantis encheires, applicatio instrumentorum laedentium caet.
- 2) Aspectus et tactus rupturae vaginae.
- 3) Aspectus profluentis sanguinis, si forte vasa disrupta in initio vaginae vel in ipsis labiis vel nymphis vulvae haerent.
- 4) Qualitas haemorrhagici sanguinis, qui in uteri haemorrhagiis arteriosus magis et grumosus partem, in vaginae profluviis autem veno

venosus magis et fluidus, unoque rivo haud  
interrupto emanare invenitur.

- 5) In haemorrhagiis vaginae post partum inseqnentibus, os uterinum jam invenimus contractum, etsi continuo effluat sanguis; certissimo signo haemorrhagiae fontem esse infra orificium uteri.
- 6) Manu in'vaginam usque ad orificium uteri intensa, sanguis infra eandem prodire sentitur, ejusque calor non in vola manus versus os uterinum directa sed in dorso manus percipitur.

### §. 13.

#### Haemorrhagiae vaginae curatio.

Quod in haemorrhagiis uteri post partum non adhibendum esse videtur remedium propter haemorragiam internam, id in haemorrhagiis vaginae unicum fere, praestantissimum saltem est refugium, scilicet p e f f i remedii stypticis peruncti. Simulac itaque ex signis supra enarratis constat haemorrhagiam ex vagina pro-  
veni-

venire, videndum erit primum, ex quonam loco vel vase rupto sanguis profluat, ibique si fieri potest statim spongia aceto vel spiritu vini tincta impo-nenda et appirimenda, qua vasorum anastomosis vel solutionis continui superficies obturatur, huic forsan inspergi potest pulvis Gummi arabici, quo glutinans spongiae vis augetur. Verum ubi locus vaginae, ex quo sanguis profluit detegi nequit, vel majoris est ambitus, tunc totum vaginae spatium internum linteo carpto et pessis aceto vel solutione vitrioli tinctis implendum est, adeo ut hac impletione et trombo sanguinis inde formato vasorum sanguinem effundentium evacuatio penitus inhibatur. Hoc remedio in gravidis et post partum tanquam efficacissimo uti oportet. Verum ubi in ipso partu haemorrhagia vaginae oritur, usque ad partum injectionibus spirituosis vel acidis et pressione forsan digitorum sanguinis effluvium moderandum est, foetus autem exclusio quantum potest acceleranda, ut pessi eo citius applicari possit. — Nullas quidem in auctoribus de arte medica et obstetricia de pessorum in haemorrhagia vaginae efficacia observationes probantes depre-

hend

hendi, attamen ipse hanc methodum utilissimam expertus sum, neque dubito, casuum quos medici complures nomiatim Leronx (l. c.) tanquam boni pessorum in haemorrhagia uteri effectus argumenta narraverunt, plurimos fuisse haemorragias vaginae.

### §. 14.

#### Observationes propriae de haemorrhagiis vaginae.

Cum ea, quae de haemorrhagiarum vaginae caussis, signis at cura hucusque exposui, nequam alienis, sed propriis plerumque observationibus debeam, ut lectoribus quoque dijudicationem et curam haemorrhagiarum vaginae rem utique difficilem, sed magni medico momenti esse probem, duos casus memoratu dignos, quorum ipse testis fui, communicare liceat. Intelligent inde, quam facile medicus obstetricans horum profluviorum specie falli possit, et quanta cura ominia in censum vocanda sint signa ad diagnosis hujus affectus rite constituendam. Altera enim

enim harum puerperarum morti erepta est, quia morbus statim recte dijudicabatur altera vero periit propter seram nimis veri haemorrhagiae fontis cognitionem.

I) S. L. ancilla viginti quatuor annorum, die 26 Aprilis 1803. in nosocomium Charitatis berolinense recepta, die 14. Julii ejusdem anni infantem foemineum vivum peperit. — Puerpera constitutione robusta, vegeta gavifa est. Dolores partus erant fortes et efficaces, iisque partus negotium celeriter processit. Os uterimum paulatim recessit, eodemque aperto vesica membranarum apparuit, ad rupturam parata. Puerpera infellam obstetricitiam posita, aquae uno rivo praecipitarunt et dolores paulo post insequentes infantem jam protruserunt. Placenta, cum ejusdem secessus spontaneus haut expectari potuerit, soluta est.

Inter frictionem abdominis, quam ad promovendam placentae solutionem suscepimus

mus optimam uteri contractionem egregie animadvertere potuimus. Paulo post placenta solotionem vero orta est haemorrhagia, cui injectiones ex aceto et aqua, ex solutione aluminis diluta et concentrata ex acido vitrioli summe diluto, epithemata frigida super abdomen et genitalia, fustra opposita sunt. Quasi fluctuans et uno magno rivo haemorrhagia perseveravit. Una cum remediis externis modo dictis propinabantur vinum, infusum specierum aromaticarum cum spiritu vini, tinctura et aqua cinnamomi, opium aliaque analeptica, sed omnia incassum. Aegrotā in animi deliquiis, sensatione orbata, pallida jacuit, haemorrhagia semper majori cum impetu continuante. Nunc autem obstetricantibus visum est vaginam accuratius inquirere, quo facto inventum est, varicum ibi repertarum plures ruptas fuisse et haemorrhagiam produxit. Nunc autem pessi aqua sclopetaria Thedenii uncti in vaginam locis disruptis admoti ibique digitorum ope firmati sunt, quo facto haemorrhagia

rhagia subito desistit, sed, quod maxime dolendum, nimis tarde. Accepit sequentia remedia alternatim sumenda Rx. Aq. Cinnamomi Unc. IV. Tinctur Cinnamom Unc. I Tinctur opii crocat Drachm. ij D. S. Omni hora cochlear magnum et Rx. Tinct. opii simpl. Spiritus sulphurico - aetherei  $\frac{1}{2}$  Unc. dimid. M. D. S. Omni hora guttulus octo. — Primo vespere jacuit in sopore, qui post aliquot horas, cum excitari porro non potuit, in stuporem transit. Medicamenta aegre et vix deglutiebantur, et haemorrhagia pessorum applicatione sollicite continuata, non amplius rediit. In sequenti die mane in sudore frigido jacuit, accesserunt singultus, subsultus tendinum aliaque praefagia mortis, post aliquod horas infsecutae. In sectione cadaveris invenimus uterum optime contractum, sed vaginam varicibus plenam, quarum plures ruptae fuerunt.


II. M. D. R. ancilla viginti trium annorum die 25 Julii 1803. in nosocomium Charitatis berolinense


nense delata die 11 Augusti ejusdem anni puerum vivum enixa est. Puerpera debilis jam die ante partum doloribus continuis affecta fuit, plerumque tamen frustraneis et absque sensibili oris uterini mutatione. Post viginti quatuor horas partus processit, os uterum apertum est et dolores aucti sunt, sed inertes adhuc et rariores. Vesica membranarum tarde provenit nec admodum increvit. Magnus fese formavit capitis tumor. Aquae post aliquot horas insensibiliter fere defluxerunt et puerpera nunc demum fellae obstetriciae imposita est. Infans per longum tempus in partu haesit. Propter malum angustae vaginae ad magnum infantis caput, tumore incretum, in transitu foetus posterior vaginae paries rupta est. Foetu enixo, ante placentae excretionem orta est haemorrhagia immanis cum majori fere sanguinis prorumpentis impetu quam in priori casu. Primum hic quoque tentavimus injectiones adstringentes, simul autem statim in initio vaginae conditionem sedulo inquisivimus.


Quo


Quo facto locum et causam haemorrhagiae facile reperimus.

Ruptura posterioris parietis vaginae et totius vasorum convoluti statim linteo carpto spiritu vini rectificato tincto repleta est, et juxta multi pessi inducti et digitis appressi sunt, haemorrhagia statim remisit. Puerpera jam infirma amissi sanguinis copia admodum debilitata fuit, neque tamen adeo ut illa, de qua modo narravimus. Accipit infusum theiforme ex speciebus aromaticis cum spiritu vini et sequentis remedii omni hora cochlear unum Rx. Aquae Cinnamomi Unc. IV. tincturae Cinnamom Drachm. ij Spirit. sulphurico - aetherei Drachm: I. Syrupi albi Unc.  $\frac{1}{2}$ . In sequenti nocte bene dormivit, crastino mane bene sese habuit et remedii usu perrexit. Postea corpore jam ad integratatem redeunte roborantia et nutrientia praescripta, horumque, vini et bona victus ratione restituta fuit aegra, ita ut die undecimo Februarii 1804 sanata nosocomium relinquere possit.














DIVISION  
SOME TIGHT  
GUTTERS

